

江防總論  
江防述略  
海寇議

海防總論  
江防集要

海防述略  
海防集要



江  
防  
述  
略

張鵬翮 著

中  
華  
書  
局

## 江防述略

清張鵬翮 著

夫防海之道在於會哨。而防江之道在於聯絡。然而防江必先防海。請先言夫會哨。會哨者。會兩省諸將。各各帶領兵船。交牌口號。會哨於洋山也。洋山者。海道必由之要路也。山周百里。形如南箕。中平如掌。內有十八安島。可藏海船數百。山之麓娘娘廟在焉。海水鹹不可飲。唯山嶺一泉。清淡可汲。賊若入犯。我欲窮追。會哨必泊此中。以避風汲水。南至定海。北至吳淞。皆一潮可到。蓋江浙之交。華嶺之限也。故舟山爲浙江之屏翰。而玉環、鳳凰、馬蹟、馬墓等山。輔之。崇明爲江南之屏翰。而縣後、匾擔、竹箔、送信、諸沙輔之。洋山又爲江浙兩省之屏翰。而陳錢壁下諸山。輔之。陳錢者。中國海山之盡處也。海賊擊空明而來。風濤無際。望見陳錢。則喜中國之將近。而必泊於洋山。以避風汲水。視風然後分船。如遇東北風起。必由下入陳錢、馬蹟等山。以犯浙江。而流入乎蘇淞。正東風起。必由茶山西行。以犯淮揚。而流入乎常鎮。然必發船于洋山。洋山既爲江浙之險要。故防海之道。必須吳淞、舟山二總兵。各各命將。帶領兵船。往來會哨于洋山。以交牌口號爲驗。若遇賊犯浙之中界。則沈家門<sub>舟山</sub>等處官將。帶領兵船。北截長塗三姑之路。<sub>金山衛之東</sub>以浙西兵船爲犄角。馬墓等處官將。帶領兵船。南截普陀、青龍、洋韭山之路。以溫台兵船爲犄角。若賊泊浙之兩頭洞。總兵官自烈港督師。北截之於觀海、洋七里嶼。參將自臨山、洋督兵應援。南截之於金塘、崎

頭洋以石浦梅山港兵船爲犄角。台州在天童山之東北此浙江之海防也。若泊洋山侵茶山則南隴上海官兵出黃浦直搗茶山爲正兵。金山營青村所官兵出金山港由上中下釣山抵壁下以尾其後。吳淞官將出吳淞江陳永子山以犯其前。劉河營官兵出竹箔沙爲奇兵。崇明官兵塞縣前縣後圍擠諸沙以截大江之口爲守兵。此江南之海防也。賊犯江南而浙江官兵不至陳錢者罪在浙江。賊犯浙江而江南諸將不至馬蹟者罪在江南。俱以交牌坊號爲驗。遇賊則江浙官兵聯絡爲一。併力掩殺或搗其中堅或截其歸路或踵其後或犯其前毋使登岸入江爲第一策。此江浙海防之大要也。然知防海而不知防江脫有疏虞突入內地爲害不淺。故聯絡江防又所當講者也。聯絡者聯兩江官將主客兵船犬牙交錯而節制之也。蓋浙江之險在海江南之要在江東連大海北亘長淮中貫大江南則蘇松常鎮北則安鳳淮揚星分棋列若賊入江則沿江兩岸上下千里無不可犯之內地防守愈難國家於此設立兩江巡撫設立主客官兵皆所以鎖鑰金陵防護漕運其計甚善。若彼此各守汛地而不知聯絡置長江于度外卒然有警蹂躪內地安望其風帆上下瞬息千里出奇制勝者哉。愚觀夫大江之險在崇明一沙當長江萬里之委流障大海諸洋之巨浪爲大江之砥柱實金陵之門戶也。其入江之道有二北有縣後區擔二沙南有竹箔送信二鰲北道水淺南道水深截四沙之口更無入江之路矣。大江之鎖鑰有四廖角營前兩沙相對海闊一百五十里爲第一重狼福兩山相對江闊一百二十里爲第二重江陰靖江相對江闊四十里爲第三重關山與永生州相對江闊一十餘里爲第四重。當事誠能聯絡四重官將多設兵船賊犯第一重則二三